



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Lotharivs Imp.

urn:nbn:de:hbz:466:1-11835

go, significatu, Archi-Capellanorum, quàm ipsorummet Archi-Cancellariorum memoria. Druogo iste factus est Metensis Episcopus, è Luxouienfi Monacho, an. 823. obiit an. 855; atque satis frequens eius in *Annalibus Francie* mentio occurrit.

V Vulfarium Antistitem Rhemenfium, fide tabularij Dionysiani, *Vulfarius* & Roberti Reginaldi qui de *Gallicis Episcopis* scripsit, refert Lanouius; memi- *Archi-E-* nitque eiusdem Flodoardus, *Chronici Rhemenfis* vetustissimus auctor, pag. 244. *piscopus* *Rhemenfis*. qui tamen Cancellariatus non facit mentionem. de quo nihilominus non dubitat Coluenerius in *Catalogo Rhem. Archiep.* editioni Flodoardinae subiecto: cui etiam Ioannes Chenu astipulatur. De Hilduino, de quo contra alios *Hilduinus* Lanouius dubitat, sub proximè subsequenti Imp. Ludouici filio videbimus: *Abbas*. quamvis dicto Lanouio in hoc non assentiar, quod ad Ludouici tempora non pertineat. Flodoardus enim modò dictus Presbyter & Abbas Rhemenfis, Historicus vetus & verax, lib. 3. *Hist. in princip.* agens de Hincmaro Archi-Episcopo, disertis verbis Hilduinum Ludouici Imperatoris Archi-Capellanum vocat.

LOTHARIUS IMP.

S VB tertio igitur è Francis Imperatore Lothario, hætenus non se præsentant alij Cancellariorum præter vnum Hilduinum prædictum, S. Dionysij Abbatem, ac postmodum Viridunensem Episcopum; cuius Arcopagitica, pro S. Dionysio ciue & Senatore Atheniensi, ac Parisiorum Episcopo, ad Ludouicum Pium scripta supersunt. Huius memoriam, quando de Archi-Cancellarijs agitur, inter alios Miræo debemus; qui dato in publicum inæstimabili veterum diplomatum Belgicorum thesauro, de antiquitate venerandæ eiusque studiosis, suprâ quàm dici aut credi possit, meritus est: cuius vtinam liberalitatem imitentur, quibus eiusdem generis cimelia, vel propria, vel aliena, vel vtraque industria comparauit! Extat apud illum lib. 1. *Donat. cap. 6. & Not. Eccles. c. 32.* diploma Lotharij Imp. an. 844. datum; cuius hæc subscriptio est: Rudmundus Notarius, ad vicem Hilduini. Apud Ioan. à Bosco, in Xysto læuo Bibliothecæ Floriacensis, *Hilduinus* vocatur: vbi pag. 52. huius vice Daniel Notarius recognouit. Mirum autem non est, hunc præ ceteris rerum summæ à Lothario adhibitum fuisse, vtpote qui è præcipuis fuerit, qui impias partes eius, Patrem oppugnantis, in ordinem cogentis, ac planè in custodiam conijcientis, secuti sunt. Videantur *Annales*. Archi-Cancellarij titulum quod habuerit Hilduinus, etsi in præmissa subscriptione non memoretur, aliunde tamen constat. Guilimannus enim in Episcopis Argentinenfis *bus*

Rinaldus.

bus refert Lotharij diploma, ita subscriptum: Rinaldus Vicarius, ad vicem Hildevvini Archi-Cancellarij nostri recognouit & confirmauit, &c. an. 848. Hunc ego Vicarium, Vice-Cancellarium interpretor.

LUDOVICVS II.

Noringus
Episcopus.

Successit in Imperio Ludouicus 2 Lothario Patri, nouo exemplo è Palatio ad Monasterium liberâ sponte transcunti: apud quem quis togatorum Princeps fuerit, necdum eruere datum est. Reperio tantum Noringum Episcopum apud illum gratiosum fuisse: quem etiam legationi, sub initium regni ad patrum Ludouicum Germaniæ Regem missæ, Principem præfecit. *Annales Pithei & Freheri ad an. 858.* Suspicio hunc esse eius nominis Brixensem in Italiâ Episcopum, qui iam tunc sub patre Ludouici Lothario, vtriusque missu, ad Leonem 4, cum tribus alijs Legatis, iuerat Romam: vbi & regio nomine, anno 853, Concilio generali interfuit, narrante ex Actis, ab Antonio Augustino editis, Cardinale Baronio, *tomo Annal. 10.*

CAROLVS II. COGNOM. CALVVS.

Ingelvvini
Episcopus
Parisiensis.Ludouicus
Abbas S.
Dionys.
Ebbo Archi-
Episcopus
Rhemenf.Gauzelenus
Episcopus
Parisiensis.
Adebaldu,
Andeser,
Odacer, A.
daletorius.
Heriuens,
Rhemenf.
Archi-Ep.

Morte Ludouici, sine liberis defuncti, ad Carolum Caluum patrum eius, rerum summa & Imperij apex delatus est: qui, cum iam triginta quinque annos in parte Galliarum regnasset, deinceps biennium, paucosque menses Imperium tenuit. Sub illo Ingelvvinus, Parisiensis Episcopus, Ludouicus, Abbas S. Dionysij; ac præterea, vt aliqui volunt, Ebbo, Archi-Episcopus Rhemenfis, homo Germanus, & ad vltimum, post iniquiores fortunæ vices, Hildesheimensis in Saxonia Episcopus, Archi-Cancellarium tenuerunt: vt apud Lanouium aliosque videre est. Ad Imperium eius Gauzelenus, siue Goslinus, aut Goslenus, propriè pertinet; cuius nomine reperio an. 875, quo Ludouico nepoti succenturiatus est, & an. 877, quo obiit Carolus, literas Domini sui diuersos recognouisse. Videatur Miræus lib. 1. Donat. c. 9. lib. 1. diplom. c. 14. & 16. in Notit. Eccl. c. 41. & 42. è quibus, alijsque locis, constat, Gauzleni vice ab Adebaldo, Andesere, Odacro, Adaletorio (si tamen scriptio vbique mendis vacat) Notarijs subscriptas esse. Addatur prædictis Heriuens, Antistes Rhemenfis, ab alijs præteritus; cuius memoria est in literis Calui, an. 863. datis, apud Miræum in Notit. Eccl. cap. 37. è quibus eadem opera discimus, quid muneris Gauzlenus obierit, prius-